

新編諸子集成

中華書局

呂氏

春秋集

釋

上



新編諸子集成

呂氏春秋集釋  
上

許維遹 撰  
梁運華 整理

中華書局

## 整理說明

許維通先生經過約四年半（一九二八年六月——一九三三年正月）時間精心結撰的呂氏春秋集釋，於一九三五年由清華大學作為清華大學古籍整理叢刊之一排印出版，一九五五年文學古籍刊行社、一九八五年中國書店曾予以影印再版。現中華書局擬將其收入新編諸子集成，約我依例點校，加工要點如下：

- 一、原書僅有斷句，今一律改為新式標點，其中不同之處不再說明。
  - 一、原書「依據畢刻」，故用諸子集成本復校。畢本所取「舊校」，實乃明宋邦乂等校本，故更校以四部叢刊本。其他引文亦予復核。凡有改動，一律出校說明。
  - 一、全書編排順序一依舊貌，其內容不予增刪。
- 學識所限，錯誤難免，盼讀者指正。

梁運華 二〇〇八年十月

## 呂氏春秋集釋序

呂氏春秋爲我國最早之有形式系統之私人著述。蓋自先秦貴族政治崩壞以後，雖百家並起，各有述作，然皆僅具篇章，未有如後世所有之整書也。若世所傳之墨子、莊子等整書，乃秦以後人所結集，非其本如此也。即此等整書，就形式系統上言，亦不過差優於後世人之文集。獨呂氏春秋乃依預定計畫寫成，有十二紀、八覽、六論，綱具目張，條分理順，此在當時，蓋爲創舉，所以書成之後，文信侯布之國門，以自矜誇也。惟其書成於衆手，各記所聞，形式上雖具系統，思想上不成一家。然此書不名曰「呂子」，而名曰呂氏春秋，蓋文信侯本自以其書爲史也。史記謂呂不韋以其書「爲備天地萬物古今之事，號曰呂氏春秋」，亦以爲呂不韋以其書爲史耳。史記十二諸侯年表叙以呂氏春秋與左氏春秋、虞氏春秋並列，是史公亦以此書爲史也。以此書爲史，則其所紀先哲遺說、古史舊聞，雖片言隻字，亦可珍貴。故此書雖非子部之要籍，而實乃史家之寶庫也。有清一代，學者整理古書，是正文字，成績之大，超越前古。畢沅既已採諸家之說，爲呂氏春秋新校正矣，然自畢氏迄今，已百餘年，中間學者對於呂氏春秋又多整理，惟各家所得，散在羣書，讀呂氏春秋者苦難利用。許



駿齋先生乃遍搜衆說，參以己見，成呂氏春秋集釋，使後之讀此書者得不勞而盡食以前學者整理此書之果，其利物之功宏矣。誠文信侯之功臣，高誘、畢沅之畏友，而孫詒讓、王先謙諸人之勁敵也。謹序。

中華民國二十四年九月十六日，唐河馮友蘭。



## 呂氏春秋集釋序

許君駿齋校槧其所爲呂氏春秋集釋既成，徵序於余。余受而讀之，曰：嗚呼！周、秦之際，士之治方術者多矣。百家之學，衆技異說，各有所出，皆有所長，時有所用。雖然，陰陽、儒、法、刑、名、兵、農之於治道，辟猶橐籥之於蓋，輻之於輪也，皆有所明而不能相通，是故攬掇一迹之蹤，拘繫一隅之指，而自以爲獨擅天地之美，判析萬物之理，徧察古今之全，此諭於一曲而不通天地之情者也。後之學者不達天地之純，宇宙之總，各爲其所欲，以自爲方，百家衆說蠡起，而道術乃爲天下裂矣。呂不韋以仲父之尊，處相國之位，獨能明黃帝、伊尹之道，使其客人人著所聞，集論以爲呂氏春秋，斟酌陰陽、儒、法、刑、名、兵、農百家衆說，採擷其精英，捐棄其畛挾，一以道術之經紀條貫統御之，誠可謂懷囊天地，爲道關門者矣。漢代大師高誘尋繹此書，以爲大出諸子之右，復依師訓，爲之詁解，并舉音讀，其可寶貴，直與許校長說文解字並驅爭先。班固志藝文，列之雜家。夫雜者會也，蓋先以道德爲標的，既定綱紀品式，乃博採九流，罔羅百氏，納於檢格之中，實能綜合方術之長，以成道術，非徒以鈔內羣言爲務者也。後之鄙儒隘士既昧斯義，又薄不韋爲人，遂少爲呂覽者。

其不陵遲以盡者，不絕如綫耳。有清諸師推本經術、研討故訓之間，每多援據，頗有匡正，而整齊補藝者未易得也。許君青土之彥，博通經傳，尤精校勘訓詁之學，棲心墳典，篤好呂書，以十年之力，著爲集釋廿六卷。嗚呼！當此九服崩離、學術放絕之日，許君獨能取我先民之鴻寶，補苴諛正，理而董之，使復大顯於世，其發揚文化之功，豈不偉與！後之覽者，欽念哉，欽念哉！

中華民國二十有四年十月十八日，合肥劉文典。

又余所爲札記，駿齋既採入注矣。頃復過余寓齋，偶檢敝篋稿本眎之，與共商討。察今篇「口喑之命不愉」，余校云：「本書精諭篇：『口喑不言，以精相告。紂雖多心，弗能知矣。』口喑，蓋周季恒言，喑、喑音同字通。愉、諭形相近，又竝從俞得聲，古亦通用。『口喑不言，以精相告』，故臣下不能諭其指也。」駿齋頗韙余說，而剗削久成，不及增入，故附誌於此。同日文典記。



## 呂氏春秋集釋序

駿齋從余遊，治呂覽，以畢校簡略，因參閱羣書，搜輯舊說，精研博討，撰次集釋二十六卷，而請序於余。余舊有舉正，已散見於注中。嘗謂：「呂氏春秋一書，雖有錯簡，而今本日次不相紊也。十二紀初爲一部，蓋以秦勢彊大，行將一統，故不韋延集賓客，各據所聞，撰月令，闡園道，證人事，載天地、陰陽、四時、日月、星辰、五行、禮義之屬，名曰春秋，欲以定天下，施政教，故以序意殿其後焉。八覽、六論自可別行。觀其覽首有始，論原開春，旨趣相同，何容重複？實以智略之士各有所輯，編者混而一之，遂沿用春秋之名，太史公序紀於末。」又曰：「不韋遷蜀，世傳呂覽。序於末者，意甚尊之，非謂其次第必如此也。稱呂覽者，則行文之便矣。不韋著書之旨，當在十二紀，則覽、論置前殿末，竝無不可，不得拘滯於馬遷之文也。」晚周殺亂，百家蠡起，往往託古以自重，今世傳本，多失其真。呂書所引，最可依據。上農、任地、辯土、審時四篇，馬宛斯以爲即漢志農家野老之言，雖非塙論，而書中蘊藏皆此類也。高誘，漢末大儒，經術深邃，讀音解誼，竝有師承。惜今本譌錯衍挽，迷其意旨。「銷」誤爲「餉」，遂欲改移文注矣。「下」譌爲「至」，遂謂老子書名「上至經」矣。凡此



之類，竝成大謬。駿齋分別斟注，其功匪細。若於校理之餘，仿賈、孔疏經之例，斟酌羣言，文注分釋，使先秦佚說觸類而推知，漢儒舊誼因此以徵彼，豈不善歟？駿齋其勉力爲之。

中華民國二十四年九月二十九日，鹽城孫人和。

## 呂氏春秋集釋自序

余爲呂氏春秋集釋二十六卷，起戊辰六月，至癸酉正月而殺青，爰序其首曰：夫呂覽之爲書，網羅精博，體製謹嚴，析成敗升降之數，備天地名物之文，總晚周諸子之精英，薈先秦百家之眇義，雖未必一字千金，要亦九流之喉襟，雜家之管鍵也。第自東京以降，脫誤漸多，屢經繕寫，校讐久廢。清儒治經，首以赜正文字爲事，旁及諸子，亦循此術。畢尚書春秋帆廣採羣言，重付剗劂，補苴理董，功蓋前人。而筆路初開，榛蕪未剪，徵援雖廣，遺缺尚多。雖云據元本以下悉心校勘，而執編覆按，疏漏譌脫尚待刊正者猶數百事。且精采如明張登雲、姜璧、李鳴春諸本，皆弇山所未及見。弇山以降百五十年，諸大師匡正浸多，考訂益富，惟簡編繁博，未有會歸。其他短書筆記，旁證遺聞，披沙揀金，取長舍短，雖通人其猶病諸，在初學更苦其蕪雜。是則狐白既集，成裘待人；和璞含光，敦琢斯貴矣。況夫孔、賈疏經，李氏注選，採華集萃，曲證旁求，雖有述事忘義之譏，實亦汲古考文之道。宋、元以來，踵注疏之風，遂多集注、集解、集傳、集釋之作。晚近學人，益相競尚，于是縱橫四部，各有專書。採摭既多，檢尋偁便，其精者如孫仲容之詁墨子，劉先生之解淮南，衡量辨正，學



者賴焉。余遠念前修，近承師教，于玩索之餘，輒自鈔纂，採真削繁，間附管見，依據畢刻，參伍別本，蓋于前人校讐訓詁之書，凡有發明，靡不甄錄。其沿明、清人評點陋習及穿鑿附會者，輒加刪正。更自旁涉典籍，以廣異聞，質正師友，俾就繩墨。其或稽疑莫解，則丘蓋不言。如謂載咸陽市門之金，補高氏古注之闕，則吾豈敢。

中華民國二十有二年八月二十九日，榮成許維通。

## 呂氏春秋集釋引用諸書姓氏

黃 生著義府。

臧 琳著經義雜記。

徐文靖著竹書紀年統箋。

惠 棟著九經古義。

盧文弨著鍾山札記。

程瑤田著九穀考。

段玉裁著說文解字注。

桂 馥著札樸。

孫志祖有校說引見呂子校補。

邵晉涵著南江札記。

梁玉繩著呂子校補、呂子校續補。

蔡 雲著呂子校補獻疑。



諸以敦有校說引見呂子校續補。

陳昌齊著呂氏春秋正誤。

錢坫著說文解字斟詮、爾雅釋地四篇。

王念孫著讀書雜誌呂氏春秋校本（即呂氏春秋雜誌初稿依畢刻本）。

茆泮林著呂氏春秋補校。

汪中著舊學蓄疑、經義知新記。

武億著經讀考異。

洪亮吉著曉讀書齋雜錄。

梁履繩有校說引見呂子校補。

李賡芸著炳燭編。

郝懿行著山海經箋疏、爾雅義疏。

牟庭著雪泥書屋雜誌。

翟灝著四書考異。

江藩著爾雅小箋。

朱亦棟著羣書札記。

焦循著易餘籥錄、孟子正義。

王引之著經義述聞、經傳釋詞。

臧庸著拜經日記。

許宗彥有校說引見呂子校續補。

嚴元照有校說引見呂子校續補。

陸繼輅著合肥學舍札記。

日本松皋圓著畢校呂氏春秋補正（鈔本）。

日本鹽田有校說引見上。

俞正燮著癸巳存稿、癸巳類稿。

凌曙著羣書答問。

沈赤然著寄傲軒隨筆。

沈濤著銅熨斗齋隨筆。

沈欽韓著左傳地名補注、左傳補注。

宋翔鳳著過庭錄。

胡承珙著毛詩後箋。



王筠著說文句讀。

朱駿聲著說文通訓定聲。

汪遠孫著國語發正。

張雲璈著四寸學。

張文虎著舒蓺室隨筆。

徐鼐著讀書雜釋。

沈濂著懷小編。

左暄著三餘偶筆。

王紹蘭著讀書雜記、說文段注訂補。

林昌彝著硯桂緒錄。

陳澧著聲律通考。

喬松年著蘼蘿亭筆記。

蘇時學著爻山筆話。

徐時棟著煙嶼樓讀書志、煙嶼樓筆記。

呂調陽著呂氏春秋釋地。

孫鏘鳴著呂氏春秋高注補正。

蔣超伯著南濠楷語。

俞樾著諸子平議、羣經平議。

阮惟和著小戴日記。

李慈銘著越縵堂日記。

吳汝綸著呂氏春秋點勘。

郭慶藩著莊子集釋。

孫詒讓著札迻、墨子間詁。

陶鴻慶著讀呂氏春秋札記（鈔本）。

王國維著觀堂集林。

劉咸炘著呂氏春秋發微。

劉師培著左盦集。

李寶沄著呂氏春秋高注補正。

章炳麟著劉子政左氏說、莊子解故、管子餘義、新方言。

吳闓生有校說引見呂氏春秋點勘。



馬叙倫著讀呂氏春秋記。

吳檢齋著呂覽舊注校理（稿本）、淮南舊注校理。

劉叔雅著三餘札記、淮南鴻烈集解、莊子補正。

孫蜀丞著呂氏春秋舉正（稿本）。

楊樹達有校說以函札商榷而得者。下同。

丁聲樹

楊德崇